



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Vniversis Christi tam in urbe Metensi quàm ejus diocesi constitutis.

urn:nbn:de:hbz:466:1-20006

MARTINO BRACARENSI
Archiepiscopo.

suis. In valle Carceris, hospitale quod dicitur Anglorum, cum Ecclesia sua, & aliam Ecclesiam quæ ipsi ex eadem parte superjacet, & villas de Tabladelo & de Parata. In episcopatu Astoricen, villas de Cacavell, cum Ecclesia sua, & de Carvallial, & Ecclesiam sancti Iacobi de Requeixo, de Sanabria. In episcopatu Legionen, domos quæ fuerunt Archidiaconi Thomæ. In ipsa civitate villam de Ledigos, cum Ecclesia sua, & partem villæ de Furones, cum omni jure quod habetis in Ecclesia. In ripa Estolare, villam Alexis, & villam Leandri, cum Ecclesias suis; & juxta monasterium sancti Facundi, villam Cerame. In episcopatu Palentin. Ecclesiam sancti Michaëlis de Vallouria, & villam dictam Sauugelo de Raaces, cum pertinentiis suis, & omni jure regali, sicut Alphonsus illustris Castellanorum Rex Ecclesiæ beati Iacobi eam donasse dignoscitur. In episcopatu Ovetensi, in villa Olerxida, omnes Ecclesias, & in Benevento, Ecclesiam sanctæ Mariae de Ventosa. In Asturiis, Ecclesias sancti Iohannis de Cerreda, & villam Armillum, cum hospitali quod est in Strata, cum montibus & omnibus pertinentiis suis. In episcopatu Zamoren. villas & Ecclesias de Arquelinis & de Arcos, & Ecclesiam sancti Iacobi de Zamora, villas de Paltiis & de Spino & de Aldeola cum Ecclesiis suis. In Episcopatu Salamantin. villam de Munigno, Afnar cum Ecclesiis suis, & villam quæ dicitur Ecla, & villam Biluestre cum jure regali, & Ecclesiam sancti Martini de Ledesma, & alias Ecclesias vel possessiones quas in prædictis episcopatibus habetis. In episcopatu Caurien. Castrum quod dicitur Attalaia Pelagij, videlicet cum terminis suis, & Ecclesiam de Granata, quæ dicitur sancti Iacobi, cum domibus & piscariis & aliis possessionibus quas ibi acquisistis. Ecclesias quoque & possessiones quas in Vasconia & in Italia & in aliis partibus orbis per diversos episcopatus habetis. Decernimus ergo &c. Salva in omnibus apostolicæ sedis auctoritate. Si qua igitur &c. Datum Laterani per manum Rainaldi Acheruntini Archiepiscopi, Cancellarij vicem agentis, secundo Idus Iulij, Indictione secunda, Incarnationis Dominicæ anno MCXCIX. Pontificatus vero Domini Innocentij Papæ III. anno secundo.

Epist. 142.
Quod sententiam Portugalensium Episcopi in causa desmarum condiderat.

C Vm à nobis petitur &c. usque ad verbum assensu, sententiam à venerabili fratre nostro Portugallen. Episcopo & dilecto filio I. Cantore Tuden, à venerabili fratre nostro Tuden. Episcopo delegato in causa quæ inter te & Abbatem de Castro super decimis Brabantia vertebarat, apostolicae sedis auctoritate prolatam, sicut rationabiliter lata est, nec legitima appellatione suspensa, auctoritate apostolica confirmamus, & præsentis scripti pagina communimus. Decernimus ergo &c. Datum Laterani XVI. Kal. Augusti.

V N I V E R S I S C H R I S T I
tam in urbe Metensi quam ejus dioecesis constitutis.

Epist. 143.
Laici non prædicent, necculta conventiona faciant, nec facerent reprehendant.
Cap. Cùm ex injuncto. De hereticis.

C Vm ex injuncto nobis apostolatus officio facti simus secundum Apostolum sapientibus & insipientibus debitores, pro universorum salute nos oportet esse sollicitos, ut & malos retrahamus à vitijs, & bonos in virtutibus foveamus. Tunc autem opus est discretione majori, cùm virtus sub specie virtutum occulte subintrant, & angelus Sathanæ se in angelum lucis simulate transformat. Sanè significavit nobis venerabilis frater noster Metensis Episcopus per litteras suas quod tam in dioecesi quam urbe Metensi laicorum & mulierum multitudo non modica tracta quodammodo desiderio scripturarum, evangelia, epistolas Pauli, psalterium, moralia Iob, & plures alios libros sibi fecit in Gallico sermone transferri, translationi hujusmodi adeo libenter, utinam autem & prudenter, intendens, ut secretis conventionibus talia inter se laici & mulieres eructare præsumant, & sibi invicem prædicare: qui etiam aspernantur eorum consortium qui se similibus non immiscent, & à se reputant alienos qui aures & animos talibus non apponunt: quos cùm aliqui parochialium sacerdotum super his corripere voluissent, ipsi eis in faciem restiterunt, conantes rationes inducere de scripturis quod ab his non deberent aliquatenus prohiberi. Quidā etiam ex eis simplicitatem sacerdotum suorum fastidunt; & cùm ipsis per eos verbum salutis proponitur, se melius habere in libelis suis, & prudentius se posse id eloqui, subinur-

submurmurant in occulto. Licet autem desiderium intelligendi divinas scripturas, & secundum eas, studium adhortandi reprehendendum non sit, sed potius commendandum, in eo tamen apparent merito argundi, quod tales occulta conventicula sua celebrant, officium sibi predicationis usurpant, sacerdotum simplicitatem eludunt, & eorum consortium aspernantur qui talibus non inherent. Deus enim lux vera, quae omnem hominem venientem in hunc mundum illuminat, in tantum odit opera tenebrarum, ut Apostolos suos in mundum universum praedicatores evangelium omni creaturæ missurus, eis aperte præceperit dicens: *Quod dico vobis in tenebris, dicit in lumine; & quod in aure auditis, predicate super tecta;* per hoc manifestè denuntians quod evangelica praedatio non in occultis conventiculis, sicut hæretici faciunt, sed in Ecclesijs juxta morem catholicum est publicè proponenda. Nam juxta testimonium veritatis, omnis qui malè agit, odit lucem; & ad lucem non venit, ne ejus opera arguantur. Qui autem facit veritatem, venit ad lucem, ut manifestentur opera ejus, quia in Deo sunt facta. Propter quod cùm Pontifex interrogasset Iesum de discipulis suis & de doctrina ejus, respondit: *Ego palam locutus sum mundo, ego semper docui in synagoga & in templo, quod omnes Iudei convenient, & in occulto locutus sum nihil.* Porro si quis obijciat quod juxta præceptum dominicum non est sanctum dandum canibus, nec margaritæ mittendæ sunt ante porcos, cùm & Christus ipse non omnibus quidem sed solis Apostolis dixerit, *Vobis datum est nosse mysterium regni Dei, ceteris autem in parabolis,* intelligat canes & porcos non eos esse qui sanctum grataranter accipiunt & margaritas libenter acceptant, sed illos qui sanctum dilacerant & margaritas contemnunt, quales sunt qui evangelica verba & ecclesiastica sacramenta non ut catholici venerantur, sed abominantur potius ut hæretici, oblatrantes semper & blasphemantes, quos Paulus Apostolus post primam & secundam communionem docet esse vitandos. * Arcana verò fidei sacramenta non sunt passim omnibus exponenda, cùm non passim ab omnibus possint intelligi, sed eis tantum qui ea fidei posse concipere intellectu. Propter quod

simplicioribus inquit Apostolus: *Quasi parvulis in Christo lac potum dedi vobis, non essem. Majorum est enim solidus cibus, sicut aliis ipse dicebat: Sapientiam loquimur inter perfertos; inter vos autem nihil judicavi me scire nisi Iesum Christam, & hunc crucifixum.* Tanta est enim divinæ scripturæ profunditas, ut non solum simplices & illiterati, sed etiam prudentes & docti non plenè sufficiant ad ipsius intelligentiam indagandam. Propter quod dicit scriptura: *Quia multi defecrunt scrantes scrutinio.* Vnde rectè fuit olim in lege divina statutum ut bestia qua montem terigerit, lapidetur; ne videlicet simplex aliquis & indoctus presumat ad sublimitatem scripturæ sacrae pertingere, vel eam aliis praedicare. Scriptum est enim: *Altiora te ne quæsieris.* Propter quod dicit Apostolus: *Non plus sapere quam oporteat sapere, sed sapere ad sobrietatem.* Sicut enim multa sunt membra corporis, omnia verò membra non eundem actum habent; ita multi sunt ordines in Ecclesia, sed non omnes idem habent officium; quia secundum Apostolum: *Alios quidem Dominus dedit Apostolos, alios Prophetas, alios autem Doctores &c.* Cùm igitur Doctorum ordo sit quasi præcipuus in Ecclesia, non debet sibi quisquam indifferenter prædicatiois officium usurpare. Nam secundum Apostolum: *Quomodo predicabant nisi mittantur?* Et veritas ipsa præcepit Apostolis: *Rogate dominum missis ut mittat operarios in messem suam.* Quod si forte quis argutè respondeat quia tales invisibiliter mittuntur à Deo, et si non visibiliter mittantur ab homine, cùm invisibilis missio multò sit dignior quam visibilis, & divina longè melior quam humana; (Vnde Iohannes Baptista non legitur missus ab homine, sed à Deo, sicut evangelista testatur: *Quia fuit homo missus à Deo, cui nomen erat Iohannes*) potest & debet utique ratione prævia responderi quod cùm interior illa missio sit occulta, non sufficit cuiquam nudè tantum afferere quod ipse sit missus à Deo, cùm hoc quilibet hæreticus asseveret: sed oportet ut astraruat illam invisibilem missionem per operationem miraculi, vel per scripturæ testimonium speciale. Vnde cùm Dominus vellet mittere Moyfen in Ægyptum ad filios Israël, ut crederetur ei quod mitteretur ab ipso, dedit ei signum, ut converteret virginem in colu-

Iii

* *Inertia Col-
leti, legitur.
Arcana verò
que fidei Sa-
cramenta non
sunt, non sunt
paul.*

brum, & colubrum iterum reformaret in virgam. Iohannes quoque Baptista suæ missionis speciale testimonium protulit de scriptura, respondens Sacerdotibus & Levitis qui missi fuerant ad interrogandum quis esset, & quare baptizandi sibi officium assumpsisset: *Ego vox clamantis in deserto. Dirigite viam Domini; sicut dixit Isaías Prophetæ.* Non ergo credendū ei qui se dicit missum à Deo, cùm non sit missus ab homine, nisi de fœspeciale proferat testimonium de scripturis, vel evidens miraculum operetur. Nam & de his qui missi leguntur à Deo evangelista testatur quod ipsi profecti prædicabant ubique Domino cooperante & sermonem confirmante sequentibus signis. Licet autem scientia valde sit necessaria sacerdotibus ad doctrinam, quia juxta verbum propheticum labia sacerdotis custodiunt scientiam, & legem exquirunt ex ore ejus; non est tamen simplicibus sacerdotibus etiam à scholasticis detrahendum, cùm in eis sacerdotalē ministerium debeat honorari. Propter quod Dominus in lege præcepit, *Diis non detrahes, sacerdotes intelligens,* qui propter excellentiam ordinis & officij dignitatem deorum nomine nuncupantur. Iuxta quod alibi dicit de servo volente apud dominum remanere, ut dominus offerat eum diis. Cùm enim juxta verbum Apostoli servus suo domino stet aut cadat, profecto sacerdos ab Episcopo, cuius est correctioni subjectus, debet in mansuetudinis spiritu castigari, non autem à populo, cuius est correctioni præpositus, in spiritu superbiæ reprehendi; cùm juxta præceptum dominicum pater & mater non debeant maledici, sed potius honorari. quod de spirituali patre multò fortius debet intelligi quam carnali. Nec quisquam sua præsumptionis audaciam illo defendat exemplo, quod asina legitur reprehendisse Prophetam, vel quod Dominus ait, *Quis ex vobis arguet me de peccato, & si malè locutus sum, testimonium perhibe de malo,* cùm aliud sit fratrem in se peccatum occulte corripere, (quod utique quisque tenetur efficere secundum regulam evangelicam, in quo casu sane potest intelligi quod Balaam fuit corruptus ab asina) & aliud est patrem suum etiam delinquentem reprehendere manifestè, ac præcipue fatuum pro simplici appellare, quod utique nulli licet secun-

dūm evangelicam veritatem. Nam qui etiam fratri suo dixerit fatue, reus erit gehennæ. Rursus aliud est quod Prælatus se sponte, de sua confusa innocentia, subditorum accusationi supponit, (in quo casu præmissum Domini verbum debet intelligi) & aliud est quod subditus, non tam animo corripiendi, quam detrahendi, exurgit temerarius in Prælatum, cùm eum potius maneat necessitas obsequendi. Quod si forte necessitas postularit ut sacerdos, tanquam inutilis, aut indignus, à cura gregis debeat removeri, agendum est ordinatè apud Episcopum, ad cuius officium tam institutio quam destitutio sacerdotum noscitur pertinere. Illud autem, tanquam de supercilioso Pharisæorum procedens, debet ab omnibus aspernari, quod tanquam ipsi soli sint iusti, ceteros aspernantur, cùm & haec tenus ab initio nascentis Ecclesiæ multi fuerint viri sancti, qui nec tales fuissent leguntur, nec talibus adhæsisse, cùm de novo tales surrexisse legantur: qui nisi contenti sint doceri potius quam docere, ad illos forsitan pertinēbunt quibus Dominus ait: *Nolite fieri plares magistri.* Nos ergo, filij, quia paterno vos affectu diligimus, ne sub prætextu veritatis in foveam decidatis erroris, & sub specie virtutum in laqueum vitiorum, universitatem vestram rogamus attentiū, monemus, & exhortamur in Domino, in remissionem vobis peccatorum injungentes, quatenus ab ijs quæ superius reprehensibilia denotavimus, linguam & animum revoceris, fidem catholicam & regulam ecclesiasticam observantes, ne vos verbis fallacibus circumveniri vel etiam circumvenire contingat: quia nisi correctionem nostram & admonitionem paternam receperitis humiliter & devotè, nos post oleum infundemus & vinum, severitatem ecclesiasticam apponentes, ut qui noluerint obedire spontanei, discant acquiescere vel inviti. Datum Laterani.

EPISCOPO ET CAPITVLO Metensibus.

SIcut Ecclesiarum Prælatis incumbit ad capiendas vulpes parvulas, quæ demoliri vineam Domini moluntur, prudenter & diligenter intendere, sic est eis summopere præcavendum ne ante messem zizania colligantur, ne forsan, quod absit, cum eis etiam triticum evel-

Epif. 141.
De codicis atque
gumento.